

KKM cadang PKPP dilanjutkan

WHO jangka pandemik boleh berlarutan selama dua tahun

Oleh Nurul Amanina Sahaini
bhnews@bh.com.my

Kulai: Kementerian Kesihatan (KKM) mengesyorkan Perintah Kawalan Pergerakan Pemulihan (PKPP) yang bakal berakhir pada 31 Ogos ini, dilanjutkan sehingga penalaran COVID-19 terkawal.

Menteri Kesihatan, Datuk Seri Dr Adham Baba, berkata cadangan itu sudah dikemukakan kepada Perdana Menteri, Tan Sri Muhyiddin Yassin dan Majlis Keselamatan Negara (MKN).

Asas bagi syor berkenaan, katanya, adalah kerana Pertubuhan Kesihatan Sedunia (WHO) menjangkakan pandemik COVID-19 boleh berlarutan selama tidak kurang dua tahun, sekali gus memertukan Malaysia turut membuat persiapan bagi menghadapinya.

"Dua tahun adalah masa yang lama. Perdana Menteri pun ada melancarkan budaya norma baharu untuk mengajak rakyat



Dr Adham (dua dari kiri) menyampaikan faedah hilang upaya kekal PERKESO kepada Zairuddin Sitam sambil diperhatikan Mohammed Azman (dua dari kanan) di Kulai, semalam. (Foto Zain Ahmed /BH)

bersama-sama tangani penalaran COVID-19. KKM sudah membuat saranan kepada MKN dan Perdana Menteri untuk mempertimbangkan pelaksanaan PKPP sehingga keadaan lebih terkawal.

"Terpulang kepada Perdana Menteri untuk mengumumkannya dalam masa terdekat," katanya pada sidang media selepas

merasmikan Program Pertubuhan Keselamatan Sosial (PERKESO) Prihatin Negara Selamat di Dewan Raya FELDA Bukit Besar, dekat sini semalam.

Yang turut hadir, Ketua Eksekutif PERKESO, Datuk Seri Dr Mohammed Azman Aziz Mohammed.

Dr Adham menegaskan, penalaran virus berbahaya itu belum

menunjukkan tanda reda, malah ada banyak negara masih bergelut dengan peningkatan kes, termasuk pertambahan kes import.

"Di Malaysia, kita masih memperkukuh dan mengawal pintu masuk di sempadan dengan baik," katanya.

Sabtu lalu, *BH* melaporkan pakar kesihatan awam dan epidemiologi menyarankan kerajaan

melanjutkan lagi PKPP berdasarkan situasi semasa COVID-19 di Malaysia yang menyaksikan jumlah kes harian masih bertambah setiap hari, selain kewujudan beberapa kluster baharu.

Pakar Kesihatan Awam (Epidemiologi dan Biostatistik) Universiti Putra Malaysia (UPM), Prof Madya Dr Malina Osman dipetik berkata, kerajaan perlu melanjutkan PKPP sekurang-kurangnya antara empat hingga enam minggu lagi dengan kelonggaran dipertimbangkan bagi perjalanan antarabangsa ke negara zon hijau.

Katanya, PKPP hanya boleh dilonggar atau ditamatkan apabila tiada lagi penalaran dalam negara untuk 42 hari berturut-turut atau tiga kali kitaran inkubasi virus berkenaan, namun prosedur operasi standard (SOP) lain perlu dikekalkan, khususnya pemakaian pelitup muka dan kuarantin wajib 14 hari bagi mereka yang tiba dari luar negara.

BH turut memetik Pakar Epidemiologi Universiti Malaya (UM), Prof Datuk Dr Awang Bulgiba Awang Mahmud yang yakin kerajaan akan melanjutkan tempoh PKPP antara empat hingga lapan minggu lagi berikutan COVID-19 masih belum berjaya dikawal sepenuhnya.